

喉

科

秘

本

錫山尤氏喉科秘本目錄

辨症總論 計共三段一篇

辨症細條 計共三十三段

治症秘法 計共二十六條

用藥秘法 計共二十五條

製藥秘法 計共十條

配藥秘法 計共二條

煎劑秘方 計共八條

丸散秘方 計共七條

附
手

目
金

吹藥秘方 計共二十二條

附方 計共七條

喉科秘本

錫山 尤氏 著

辨症總論

咽在喉之前所以嚥物經云咽主地氣地氣通於脾喉在咽之後所以噓氣經云喉主天氣天氣通於肺喉納氣天也咽納食地也肺主氣脾主食納氣者從金化納食者從土化金性燥土性濕至於病也金化變動為燥燥則澁澁則閉塞而不仁故在喉謂之痺土化變動為濕濕則泥泥則壅脹而不通故在咽謂之腫病雖少異

喉科

其為火症也則一

天氣閉塞則為喉痺地氣閉塞則為咽嗑痛天地之氣俱閉塞則喉咽俱病蓋病喉痺者必兼咽嗑痛病咽嗑痛者未必兼喉痺也

十二經脈皆上循咽喉盡得以病之然統其所屬在君相二火喉嚨者脾胃之候也然經有云肝者中之將也取決於膽咽為之使故咽喉病雖在脾土亦由肝膽之所為也咽嗑痛者噉唾與食則痛是也經云形苦志苦病生于咽嗑治之以甘藥蓋陰氣太虛陽氣飛越虛火

遊行無制客于咽喉痰結在上而為咽痛也

咽喉為人生呼吸飲食之門戶方寸之地受病易於危險其症雖繁大要總歸於火蓋少陰少陽君相二火其脈並絡于咽喉故往往為火症之所結聚君火勢緩則熱結而為腫為痰相火勢速則腫甚不仁而為痺痺甚不通則痰塞以死故經云一陰一陽結謂為之喉痺火者痰之本痰者火之標故言火則痰在其中言咽喉則牙舌亦包羅于內夫火有虛實實火者因過食煎炒炙燻蘊熱積毒其症煩渴二便閉塞風痰上壅將發喉痺必



三日先胸膈不利脈弦而數治宜先去風痰後解熱毒
虛火者或因飲酒太過或因忿怒或因色慾火炎上攻
咽喉乾燥必二便如常少陰脈微治宜補虛降火凡用
藥總不宜純用寒涼之劑取效目前上熱未除中寒復
起毒氣乘虛入腹胸前高腫上喘下瀉手足指甲青黑
七日以後全不進食口如魚口者死且治喉症最忌發
汗誤人不淺或鍼砭出血即汗之之義若寒傷於腎及
帝中脹者尤不宜針至如內傷虛損喉癰失音無法可
療喉症初發一寒戰即止者發後身涼口不碎必無重

舌或二便俱利不可認作熱症皆由陰氣虛寒而發其痰不可弔盡此痰乃身中之精液所化與熱症乳蛾搯舌之痰毒腫一處以流盡毒而愈者不同若亦流盡則精神竭而必死先以藥吹或用水喚之法使喉一通卽便服藥第一劑發散和解第二劑卽施溫補滋養之藥設三四日後再發寒戰或心痛骨疼脇痛等症皆爲難治發時牙關緊急喉舌俱脹口碎而臭或有重舌及上有黃屑者發後下午再發寒熱二便閉澀者卽作熱症用石羔敗毒散主之此亦爲易愈之症如漸起三四日

後而寒熱者雖極凶亦不爲害惟有症未減而牙關反
不緊急腎不腫而絞如好人者不治舌腫滿口不治色
如葶桃如茄子如砂紙不治或逢重舌發寒熱猶可治
也舌以筋按之其色雪白起筋卽紫紅色身內血已死
然口臭者猶或可生尤忌口渴氣急痰多稠如桃膠者
死期已速二項俱紅腫甚者亦極危也面帶紅紫面青
帶白神氣少者俱不救不語者死畧能語者尙有可生
之機面色少神喜坐低處者亦難治喉花爲帝中性命
所關舌下紫筋爲舌繫下通于腎白腫不治傷之卽死

醫喉者不可不知

辨症細條

喉痺 此症屬痰屬風屬熱皆因鬱火而兼熱毒乃喉症之總名辨云腫甚不仁爲喉痺乃咽喉之重症非總名也

乳蛾 此症有單有雙有連珠者多因酒色鬱結而生初起一日痛二日紅腫三日有形如細白星發寒熱者凶四日勢定治之四五日可愈其症生於喉旁一邊生者爲單蛾兩邊生者爲雙蛾白星上下相連狀

如纏袋者爲連珠蛾單蛾輕雙蛾重連珠蛾尤爲重者也

喉癰 此症因過食辛辣炙博厚味醇酒感熱而發屬肺喉間無形狀但紅腫而痛重者亦寒熱而頭疼四五日可愈

搥舌喉癰 肥人性躁感熱者多生此症凡舌下生如小舌樣者爲搥舌如連喉腫痛爲喉癰不痛者非癰大抵搥舌兼喉癰者其勢凶先用眞青後用眞禁卽愈喉菌 此屬憂鬱血熱氣滯而生婦人多生狀如浮萍

略高而厚紫色生於喉旁輕則半月重則經月月餘
在治者得法患者守戒忌口

纏喉風 此症因心中躁急而發先兩日胸膈氣緊急
出氣短促忽然咽喉痠痛手足冰冷頸如絞轉熱結
於內腫擾于外且麻且癢喉內紅絲纏緊手指甲白
色手心壯熱喉腫而風火痰湧盛如拽鋸聲是其候
也最爲急症初起一日卽治可治若過一日夜發後
目直視喉中如雷鳴者不治探以燈火近患人口邊
卽吹滅者不治若喘急額汗命在旦夕又云纏者自

頤纏繞赤色寒熱

喉閉、傷寒後發者爲難治氣閉不通無形無聲

喉癰、虛火上炎肺金太旺致攻喉間生紅絲如哥窰紋樣又如秋海棠葉背紅絲一般飲食阻滯如食鹽醬等物則嚥痛雖不喪命亦難速愈久則喉啞失音而不救矣癆症多生此症

喉刺、此多由先患癆病重症旣久虛火自升榮血已竭其喉上腭有紅點密密如蚊蟲咬斑樣此係危篤將殞慎勿治之以取謬

齲槽風 初起先齒痛不已後卽牙齲肉浮腫紫黑色
或出血久則腐爛而臭蓋屬腎虛也

牙漏 卽前症久而不愈齒縫中出白膿極難調治甚
則齒落如上左邊門牙落者不治亦屬胃火腎虛也
牙癰 一名牙蟻風初起有小塊生于牙齲肉上或上
或下或內或外其狀高硬

牙齲 生于牙盡又中牙關緊閉此症初起緊盛至夜
尤盛然不難愈亦不害命

牙疔 症屬胃火形如豆大或內或外生無定處

牙宣、齒縫中出血上屬脾下屬胃經實火上攻所致
亦有胃虛火動腐爛牙齦淡血常出時時滲漏不已
牙菌、生於牙齦其狀紫黑色高起如菌狀此係血熱
火盛兼氣滯亦有鬱極而生亦有好飲燒酒而生者
穿牙疔、先二日牙痛發寒後痛不可忍牙齦上發一
塊紫色者是也

穿牙毒 卽前症初起未破者爲疔已破者爲毒其色
紅者可治青者不可治

走馬牙疳、此症或因胎毒或因痘發毒攻齒牙齦腐

爛成疔殺人甚速鼻梁發紅點如珠者不治其色如
乾醬二曰爛一分二曰爛一寸故名走馬以喻捷也
有齒者落盡而死小兒走馬牙疔及大人骨槽風
俱要防齒落上月門牙左邊者爲牙中之主此牙一
落則餘盡落矣最爲難治若此牙不落餘牙雖落猶
可治

崩砂疔口風自舌下牙齦上腫赤口內作響如熱湯

牙齦漸爛亦能脫齒

響音響疔腫起也

連珠疔口風自舌上起小泡初起一箇又起一箇甚

者三五七八九個連珠生起

舌癰 其症舌紅而腫大屬心經火盛地角亦紅腫

舌黃 舌上腫痛黃色亦屬心火

木舌 舌腫大如煮熟猪肝不能轉動又有一種生舌
根下狀如白棗上有青紫筋不能速愈初起不疼不
發寒熱漸漸腫大初起卽治可愈遲則難愈此亦憂
鬱所致

鵞口 一名雪口初生月內小兒滿口并舌上生白屑
如鵞口樣者故名之

馬牙、係初生小兒胎內已受熱毒見風卽生但看牙齦上有白色如脆骨者卽是此欲發出胎毒卽打噴嚏含乳或吞或吐或吞而不吮其病已深若不急治入腹卽死切勿認作黃疸之類出胎便當看視日日要挑若過三四日病卽成矣五六日堅硬難治甚有發而復發大約百日外不患此症、

懸癰、生於上脰發紫泡如豆大者是也

紫舌脹、屬心火內必煩躁悶亂、

舌菌、屬心經多因氣滯而生舌上或如木耳或如

菌狀其色紅紫、

頸癰 此症胸前紅腫形在外亦欲內攻甚則喉閉出膿、

面癰 形色紅腫屬陽或白色屬陰與前症相倣、

托腮癰、生腮下因過食厚味多飲醇酒熱毒結聚而生也、

繭唇 此是陽明胃經之症因炙燔所致或兼思慮暴怒痰隨火行流注于唇初結如豆大若蠶繭突腫堅硬甚則作痛飲食妨碍或破流血久則變爲消渴消

中難治之症

治症秘法

凡喉症至五日卽重三日前症雖重尙未成膿藥能消散若至五六日患處成膿縱使穿破後必爛成窠爲難愈爛處須多用八味口疔藥藥內須多加龍骨珍珠爲要

凡傷寒後患連珠蛾及喉閉者不治其症喉項強硬自睛上視故多不治

凡患喉症非急症者一二日或未曾發寒熱病尙輕緩

若至第三日發寒熱症必加重須問其大小便通利
否如二便利症必減此不過浮游之火攻于咽喉宜
內服消風清熱降火解毒之劑若二便不利乃內有
實火非用降火解毒重劑反用通利二便之藥火從
何泄病從何解亦要問其頭痛不頭痛如頭痛則發
傷寒爲難治之症

凡喉症必俟大便去後方可望痊如大便閉結不可輕
許其愈

凡喉症初起大便閉結宜大黃元明粉下之則火自降

而易痊若至五六日久不愈而大便閉結用之立整
蓋因病久胃氣已虛元氣已弱故忌用硝黃雖大便
閉甚只宜用蜜導等法此秘法也凡喉症無痰者不
治

凡喉須吹藥四五管方可出痰必出痰三次可以全愈
其出痰初管必用金丹多爲要必直對喉中重吹吹
過卽提出管恐痰乘藥嘔出也

凡喉症先碎須先用長肉藥吹之後用碧丹

凡喉症初起一二日用碧丹漸漸多加金丹勢凶者金

丹爲君或單用金丹方能弔出頑痰、

凡喉連胸紅腫此係肺癰必用蜜調藥加百藥煎爲要
一云百草煎是爲要

凡喉中無形便紅痛者燈草灰多用、

凡婦人喉症腫痛有因經閉致火上升而患者宜內服
通經藥經通而喉症自愈、

凡喉症凶者面黃腫白亮無光彩脈沉微無力是神氣
外泄無陽之症決不治若面發紅腫脈來洪大有力
症雖重是有元氣治之可痊、

凡腮口內腫爛用箸縛絲綿蘸水輕攪患處痛者用藥必愈不知痛者卽係死肉多難愈。

凡舌腫脹滿口吐出在外難以納藥者用姜蠶牙皂俱製過爲極細末等分和勻用少許吹入鼻中牙關自開痰涎自出然後用箸捲綿蘸甘草湯潤其唇舌後用四味口疳藥多加上好冰片頻吹自愈。

凡吹喉藥非惟腫碎患處要吹并四圍好處亦可吹取其沿開易愈也。

凡舌上乾而難吹藥者或用蜜潤或用湯濕之方可吹

凡口舌等症吹藥後如舌無涎或如乾橘囊者不治
凡遇口舌腐爛無血出者不治

凡吹喉內藥須用氣和平用管周遍爲妙

凡治口疳用絲綿輕攪切不可用青布恐傷處致腫
凡舌脹大用生黃柏加冰片敷之若出血用炒黃柏加
冰片敷之

凡患搥舌喉癰如大便閉塞煎藥內用元明粉大黃如
小便不利煎藥內加調六一散服之此心法也

凡用碧丹看症凶冰片多於甘草將愈甘草多於冰片

凡患牙癰牙齦紅腫但牙關不閉口能開合若患牙齦則牙齦腫脹肉突出牙關緊閉口不能開先用碧金二丹吹入牙齦外用黃熟香削成鑿子樣漸漸插進牙門則牙漸開卽將金丹吹入患處

凡藥貯磁瓶須捺實然後塞緊至用時用管撥鬆用過仍前法

凡吹喉症欲出痰涎加皂角末少許

用藥秘法

一治單雙蛾及連珠蛾吹碧丹五分金丹一分後用金

二碧三同吹出痰兼服煎劑左加黃連川芎犀角右
加赤芍柴胡雙蛾則兼用之大便不通加枳殼元明
粉候大便去則症自愈矣如至三日着喉內但紅腫
而無細星卽喉癰症

附方治單雙蛾 凡生乳喉危在頃刻將病人左

右大指紮住用艾圓灸大指向內處卽少商穴穴卽指

甲角韭葉許向內針一分灸一壯

治單雙左右蛾 巴豆

不去油研末用一粒細辛焙乾爲末與

將綿紙然前藥于內作紙條剪去一頭露藥入鼻孔

中垂頭少頃便膿痰吐盡繼之以血卽愈、

又方將青魚膽用糯米入膽內陰乾研細吹入喉間亦有痰吐出可愈

又方芒硝一錢五分膽礬八分雄黃八分明礬八分共爲末吹入喉中、

一治喉癰碧丹加金丹少許內服膏子藥及煎劑自愈
一治喉癰用碧丹頻吹膏子藥不時噙嚥再服煎劑內
加土貝母下氣須忌憂思憤怒酒色忌食雞肉魚蝦
蟹羊鷺鴒頭肝腸茄子及一切辛辣炙煖動氣動火

之物一月可愈

附方治喉癰

癰團

一隻必黑
色者方用

白礬

三錢

納入癰團

腹中嘴脚俱紮住外用鹽泥封固火煨直至烟盡
爲度再用鹽內阜茨燒灰存性量用多少加入冰
片少許共爲末吹入患處卽愈

治喉菌初起用碧丹

五分

金丹

一分

後用金

二

碧

三和吹

亦須頻嚥膏子藥兼用煎劑不可間斷久之自愈

一云將茨菇汁搽上然後吹藥喉癰亦用此法不

然吹藥效遲

一治搥舌喉癰煎藥用犀角地黃湯加減其搥舌用金丹吹至舌根及舌下兩旁時刻不可間斷方能速痊喉間用金一碧十亦須頻吹

一治纏喉風最爲急症初起卽用金碧二丹頻吹內服煎劑可救稍遲不救藥中須加牛黃吹之

附方、明礬三錢巴豆七粒去殼錢入巴豆燒至礬枯

去巴豆研細吹入喉中流出熱涎立開內服通關散

又方、用虎腳跡草卽水藿草加輕粉五分和根葉搗爛

絞汁以酒漿一碗沖服之如牙關咬定以筋頭撬

開灌下嘔出硬痰如雞子樣者立效

一云輕粉不宜服服之恐

有害此方疑非

良法姑存之

一治痰厥痰嗽痰喘痰吼有聲取桃根下截毛窠以針挑開頭將梅花冰片一挖耳許納之封固瓦上煨脆研每服用一匙許淡姜湯下 一云取榆樹上出過截毛窠一箇剪病人指甲脚爪如左邊乳蛾剪其右邊者如右乳蛾剪其左者若雙蛾左右皆剪用食鹽少許入窠內煨過爲末吹入患處以手指拍其後項

視其所患在左拍左在右拍右兩邊皆患左右皆拍
節時破潰痰血卽出

一治喉閉

生白礬雄黃

等分爲末吹入喉中

又蜒游

卽甦

又單雄黃

新汲水磨下效

又巴豆

二粒紙裹緊切斷兩頭殼子以針刺孔納鼻中

久卽痊愈

服通關散 又牛膝根

以醋同搗汁去渣灌喉中如不入從鼻孔中灌進神效如

無藥處單用醋嗽流出痰涎亦效

治喉痺、遠年蘆頭屋上作辮者剪寸許長約一升

煎湯飲之立瘥

此方傳自走方人一友目覩伊治此症卽愈此理未可解

一治牙槽風用口疳藥加牛黃倍珍珠孩兒茶頻吹初

治五日紫色退至白色再五日可長肉再五日方可
望痊若成牙漏齒縫出膿血極難調治須戒酒色一
切毒物及辛辣炙博內服滋陰降火之劑外用前藥
頻吹耐心治之可以漸愈

一治牙癰卽用口疳藥吹之自愈

一治牙齦先用碧金二丹吹入牙齦外用黃熟香法牙
間再進金丹吹至牙齦腫塊自消方止

一治牙疔先用金丹後用口疳藥多加薄荷冰片煎藥
內多加石羔連翹

一治牙宣內服扶脾清火湯外用珍珠散止之 一云
宜服涼血清胃之劑外用珍珠散此指實火言也若
胃虛火動腐爛牙跟外用長肉藥內服扶胃清火之
劑此虛火實火較爲清楚

一治牙菌用口疳藥兼服煎劑

一治穿牙疔毒用金丹畧加碧丹吹之內服涼血解毒
降火之劑已破者用口疳藥加牛黃倍珍珠孩兒茶
治之服煎劑如犀角消毒飲之類

一治舌癰用金碧各半吹在舌根方愈煎藥內多加黃

連山樞犀角

一治木舌重舌初起用金碧二丹後單用金丹吹之內服煎劑雖凶不害命、

一治紫舌脹單用碧丹內服犀角地黄湯加減二二日可愈

一治上腭癰銀針挑破用口疳藥吹之碧丹亦可

一治面癰頸癰托腮等症防內攻須用碧丹內吹兼服煎劑外急用三黃散敷之

一治小兒走馬牙疳初生胎毒口疳及大人糜口疳重

者俱用口疳藥加牛黃珍珠看輕重加減無不奏效
一治小兒雪口用絲綿捲筋頭蘸水攪去白翳用口疳
藥吹頻攪頻吹內服犀角汁或犀角解毒丸

一治小兒馬牙先用濕水青布絞淨以竹筋撥開牙關
用銀針脚漸漸挑出血攪淨用口疳藥吹之立效不
吹亦不妨

一治口舌喉內結毒口能開合者但用禁藥吹之即妙
一治蘭脣若初起無內症用麻子大艾圓灸三壯貼蟾
酥膏日久漸愈若有內症作渴早服加減八味丸午

服清涼甘露飲日久流血不止形體瘦弱虛熱痰生
面色黧黑腮頰紅現口乾渴甚者難治

製藥秘法

製硝礬法 一名玉丹又名雪霜先用生礬打碎如指
頭大入傾銀罐內用桴炭火入爐煅煬以食筋刺入
罐內攪之無塊爲度次將上好硝打碎塊投下約十
分之三再次將白礬砂打碎塊投下亦十分之三少
頃再將生礬逐漸投下候煬盡照前投礬砂少許如
是逐層漸次投完直待鋪起罐口高發如饅頭樣爲

上方架起炭火燒至乾枯然後擇潔淨瓦一大片蓋
罐口一時取起將牛黃少許爲細末用水五六匙和
調以筋超起滴丹上將罐仍入火內煨乾卽取起連
罐覆潔淨地上地用紙襯罐上再用瓦覆之過七日
收貯聽用輕鬆無紋者佳如堅實有豎紋者能殺人
卽不可用或留作蜜調藥用煨時火候初宜緩然亦
不可太緩恐致礬僵不易鎔化後必堅實豎紋中間
及後須用武火又如礬未鎔盡卽投硝礪不能盡鎔
化以致堅實有豎紋矣罐須煨透不令爆碎不用傾

附不
過銀者恐有銹毒 此丹多製預備愈久愈妙製時
不可用濕炭爆炭臨症用時要和冰片吹之

取百草霜法 須燒茅柴者方爲百草霜須取其近鍋
底者刮去浮面一層取中間一層不宜刮著底著底
不可用若鍋口邊亦不可用

製黃柏法 揀黃柏之厚者切片用荆芥爲君甘草爲
臣煎濃汁浸片俟柏軟卽取起攤瓦上慢火炙至金
黃色如焦色者去之再入白蜜湯漉一次曬乾聽用
製梅礬法 取青梅大而圓者嫩而脆者先用竹刀披

下圓蓋留好輕緩去核將研碎生白礬非前製過者
捺實在內仍以圓蓋覆上以竹釘扞好過夜明晨用
炭火煨之其青梅灰燼則無用其梅內煨過之礬輕
白如膩粉味極平酸收貯磁瓶中聽用此爲雪梅丹
製人中白法 取多年溺器一個用水灌滿置于火爐
上滾則傾出如是者五六次須去盡傾出之穢氣然
後將鹽泥封固文火煨之半日取起俟其冷定去泥
殼取溺器內淡紅者收貯磁瓶中置地內出火毒再
將後藥製之

製人中白藥方 黃連 黃芩 黃柏 山梔 連翹

右五味等分煎濃汁將入中白火內煅紅卽淬入
內如此七次方止收貯聽用

製牙皂法 取牙皂之堅小不蛀者爲佳炙至色光明
而脆爲度去其兩頭爲細末

製燈草灰法 一名元丹先擇白淨者黃色不可用鋪
于淨桌上以清水噴濕候至心內漸濕爲度將筆套
之完固不碎者兩頭厚薄相等者用水浸濕以濕紅
紙團塞緊一頭卽將燈草捺成團塞入套內以竹箸

搥實候出水如此逐漸塞滿再用濕紙塞套口入桴
炭中煅之視其烟絕及套內通紅卽取起放淨磚地
上須先以水噴濕地上用碗合之待冷取起剝去外
面套灰及紙團灰藥灰須黑色成團者佳煅時勿令
筆管爆碎不可煅過過則灰少無用不可煅生生則
不成灰亦不堪用此藥最輕煅時尤難得法須平日
多製以備急用

製蠶蠶法

擇礪蠶之細直腹小爲雄粗而大腹者爲

雌雌不可用將牙刷蘸水刷去石灰置瓦上慢火炙

至醬色爲度必要折斷中間無絲筋連者爲佳去頭足研細收貯聽用

製鎗硝法 須擇其明淨紋理鎗鎗者佳必須長白如牙厚大者名爲牙硝先以溫湯蘸過綿挹乾仍用紙包放竈上椒料洞內五六日收其濕氣自乾如雪霜者收貯

配藥秘法

碧丹配法 每玉丹三分配百草霜半茶匙入乳鉢研細次入燈草灰一厘研勻配成瓦灰色再加甘草末

三茶匙薄荷末三分研極細然後加上好冰片五厘
多加尤妙再研勻入小磁瓶塞口極緊勿令泄氣然
此藥須當時配合若配過五六日則無效設配過遇
陰雨一日亦不效凡春夏宜薄荷多玉丹少藥配成
青色秋冬宜玉丹多薄荷少藥配成白色此要法也
又云再加月石少許如欲出痰加牙皂少許薄荷
須梗細葉小者佳

金丹配法

每提過鎗硝

一錢八分

配蒲黃

四分

蒲黃生用用

羅絹細篩篩出細末去粗褐色者共研細次下殭蠶

末一分牙皂末一分

五厘

香白芷末一分

一分共研細如淡鷲黃色

加冰片

一分

再研極細此藥可以久留雖經年亦可用

惟冰片臨症時加入此藥善能消腫出痰若遇牙齒
搥舌穿牙疔毒專用此治之若咽喉等則兼用碧丹
看症輕重如症重者再加牛黃于本方內如喉重症
及喉風加殭蠶牙皂二味輕症則用牙硝蒲黃蓋碧
丹消痰化熱解毒驅風固爲良劑尙屬平緩若金丹
消腫毒除風熱開喉閉出痰涎最爲神效但喉症初
起金丹不宜多用以其能直透入內且善走散若初

起卽多用之恐症輕不勝藥與病人反扞格不相入也若喉癰及單蛾單用碧丹若其他重病碧金兼用須知先後多寡最爲要訣初起用碧丹九分配金丹一分吹過五管次用碧八金二再次用碧七金三如症重碧金各半用至三五次後痰涎必上湧然後用金六碧四將管直對喉中重吹一次隨卽收管卽弔出痰此要訣也若症重極用金八碧二尤妙凡初起吹一次須令患者低頭流出痰涎

煎劑秘方

扶脾清火湯 治牙宣

生地三錢

丹皮一錢

山梔一錢

荆芥八分

白芍一錢

石

麥冬一錢

知母一錢

歸身一錢

赤茯苓一錢

三錢

麥冬五分

知母一錢

麥冬一錢

赤茯苓一錢

麥冬五分

赤茯苓一錢

赤茯苓一錢

赤茯苓一錢

赤茯苓一錢

右共爲一劑水二盞煎八分食後服

如小便赤澁加木通

如大便閉加元明粉

如牙齦腐爛用八味口疳長肉藥吹之

清涼甘露飲 治齒齙

犀角一錢

茵陳一錢

石斛二錢

枳殼一錢

麥冬一錢

知母一錢

歸身一錢

赤茯苓一錢

赤茯苓一錢

赤茯苓一錢

生地二錢

黃芩一錢

知母一錢

柴胡一錢

甘草一錢

枳殼一錢

麥冬一錢

知母一錢

歸身一錢

赤茯苓一錢

赤茯苓一錢

杷葉

剝淨毛
一焚

右共爲一劑加燈心淡竹葉煎服

喉症煎藥主方

前胡

連翹

山梔

炒

花粉

桔梗

元

參

薄荷

大力子

枯苓

甘草

一云加金銀花

右共爲一劑水煎服

如頭痛加石膏

如渴加麥冬知母

如胸膈飽滿加枳殼

如發寒熱加柴胡

如鬱熱而發加芍藥貝母

去心
研

舌症煎藥主方

黃連

木通

連翹

犀角

生地

丹

皮

赤芍

麥冬

山梔仁

炒

甘草

加燈心煎服

如有鬱熱有痰加貝母

如大便閉加大黃枳殼

如兼口唇必用石羔

牙症煎藥主方

腎主骨齒乃腎之標骨之餘足陽明胃經之脈貫絡于齒上牙齦手陽明大腸之脈貫絡于齒下牙齦屬腎實亦有腎虛亦有風寒

元參 丹皮 生地 知母 地骨皮

山梔炒 白芍 黃柏 車前子 甘草稍

右共爲一劑水煎服 如虛加熟地枸杞去山梔

如有風加荆芥 如欲解毒加連翹黃連

如熱甚加石羔爲君炒黑升麻爲佐

如穿牙疔毒加甘菊及紫花地丁草兼用消腫解毒
之藥

蘇子降氣湯 虛陽上攻者用之隨症加減

蘇子 五分 前胡 一錢 當歸 一錢 肉桂 三分 厚朴 一錢 廣

皮三分 半夏麩五分 甘草一錢

右共爲一劑加姜棗煎服

清咽消毒湯

元參 薄荷 黃連 山梔 連翹 防

風 荆芥 桔梗 石羔 銀花 牛蒡

子 甘草 右共爲一劑水煎服

喉痛口碎噙嚥湯

牡蠣煅研粉 以陳米醋一盞入牡蠣粉三四匙調和

砂罐內煎熬數沸待冷不時噙嚥入口痛可止腫可

可平

丸散秘方

犀角解毒丸

犀角

一錢

栝梗

一兩

生地

五錢

朴硝

一錢

大力子

五錢

連翹

六錢

元參

六錢

赤苓

五錢

青黛

二錢

粉甘草

二錢

右共爲末煉蜜爲丸如龍眼大每服一丸薄荷湯下
若兼驚則硃砂爲衣通治小兒諸瘡丹毒及痧痘後
餘毒並妙

玉液上清丸

吳暘谷醫武帝喉痺製此丸一九卽愈治風熱上壅

頭目不清咽喉腫痛口舌生瘡服之生津液化痰涎

薄荷

十四兩

柿霜

五兩

桔梗

四兩

青黛

三錢

元明粉

二錢

川芎

一兩

硼砂

二錢

甘草

三兩

冰片

二錢

百藥煎

五錢

右共爲細末煉蜜爲丸如芡實大每服一九不拘時

噙化

一方有防風

一兩

砂仁

四錢

四七噙化丸

治喉內有如梅核氣痰咽不下

吐不出服之如神

紫蘇

二兩

厚朴

三兩

茯苓

四兩

半夏

五兩

陳皮

二兩

香

附二 甘草 一兩

以上共爲末煉蜜爲丸如芡實

大用大棗二枚生姜五片煎湯化一丸

烏梅噙化丸方

柿霜 一兩 百藥煎 六錢 麥冬 四錢 川貝母 四錢 犀角 二錢 沉

香 二錢 孩兒茶 四錢 辰砂 四錢 牛黃 二分 薄荷葉 一錢二分

共爲極細末用烏梅肉丸如芡實大每日不拘時噙化之

膏子藥 治喉癰喉癬喉菌

薄荷 君 玉丹 臣 貝母 佐 元丹 甘草 冰

片使

百草霜

先將玉丹百草霜研和勻後入元

丹再研和再入薄荷甘草貝母研極細方入冰片再
研和白蜜調服凡喉癰喉菌須時時頻咽之症重兼
服煎劑及用吹藥

吹藥秘方

珍珠散 治牙宣

龍骨一錢

珍珠一錢

象皮五分

烏賊骨去殼一錢

兒

茶五分

三七一錢

乳香二分

降香節一錢

沒藥五分

硃砂五分

冰片一分

右共爲末將新棉花捻成團如

指頭大蘸水再捻成扁蘸藥塞患處以指抵之勿動
一二次卽止

治口舌喉內結毒散

薄荷

錢一

兒茶

分八

硃砂

錢一

牛黃

分一

珍珠

二分

冰片

分一

甘草

分一

宜加天靈蓋

錢一

煨

右共爲末吹之如廣瘡結毒加入輕粉少許

三黃散

治頸癰面癰如腫硬不消氣血凝滯或

痰塊結而不散則兼陰症矣加姜葱汁爲要此藥兼

治小兒丹毒

附禾

大黃君

蒲黃臣

牛黃佐

冰片使

共為末用芭蕉根汁調敷患處或用扁柏葉搗汁和

蜜調敷

或用姜黃

錢一

生大黃

錢一

生蒲黃

分五

冰片

分五

麝香

厘二

白蜜調加葱姜汁二三匙或芭蕉汁或側柏

汁和蜜同前法亦可

玉鑰匙

治牙關緊閉

用巴豆壓油紙上取油紙撚成條點火吹滅以烟熏入

鼻孔一時口鼻流涎牙關自開

治咽喉癰痛乳蛾牙齦散

梅磬兩一 甘草錢三 百草霜錢六 訶子肉煨熟 錢三 片腦

看症輕重 不拘多少 共爲末吹之

治纏喉風塞喉風一切急症

梅磬兩一 甘草錢三 兒茶錢五 雄黃錢二 琥珀分六 薄荷

荷兩一 麝香許少 製疆錢四

其爲末吹之或有時加蒲黃去雄黃

驅腐丹 秘方此藥不宜多用凡糜口雪口可畧

用之

硼砂錢二 五倍子炒黑研 錢二 爲末吹之

候斗

天

藍袍散

銅青

一錢

香芷

一錢

生甘草

五錢

共爲末吹患處

黃袍散

治口瘡口疳走馬疳胎疳痧痘後疳

薄荷

一兩

甘草

三錢

黃柏

三錢

黃連

三錢

冰片

不

共爲末吹患處如爛牙疳要用藍袍散同吹

真青

治搥舌喉癰

玉丹

三分

元丹

一厘

甘草

一分

薄荷

二分

牙硝

三分

冰

片

一分

硼砂

一分

五厘

百草霜

一分

共爲末吹之

真禁

治症同前

蒲黃分二 牙硝分三 硼砂分二 冰片分一 薄荷葉分一

右共爲細末吹患處

八寶丹 治喉癰喉癰喉痺出血單雙乳蛾舌癰

舌癰齒癰牙疳牙齦腫舌撞唇牙疳纏喉風腐毒生

于喉間

牛黃分一 熊膽分二 珍珠分五 琥珀分三 乳香分三 沒

藥分三 冰片分三 麝香分一 一云用滴乳石五分火

煨六七次 右共爲末吹患處

四味口疳丹

薄荷

香芷

甘草

冰片

各等分爲末吹患處如凶爛加前藥稍甚各少許

八味口疳丹

即兼長肉

薄荷

三錢

甘草

五分

冰片

三分

珍珠

五分

兒茶

一錢

五分

白龍骨

三分

煨

細香芷

二分

五厘

如腫加之

右共爲一料將每味各研細如飛麵密羅篩過然後

配合一處再加製就黃柏末一分入磁瓶中勿泄氣

凡遇口碎各症口疳用少許吹之如初起腫而熱

甚者多用薄荷取其辛涼能發散也如患處不腫

熱不甚且痛久宜長肉爲主本方多加兒茶珍珠龍
骨配成紫色凡一切喉症碎者亦用此長肉 如口
疳重症加辰砂少許滴乳石少許入兒茶內研極細
用之 如治走馬牙疳穿牙毒及重舌口疳初生小
兒胎毒口疳本方加牛黃珍珠無不奏效若黑而臭
腐者不治小兒黃色胎疳如乾橘囊者不治 如疔
瘡後口疳加牛黃珍珠去龍骨大都遇極凶症難效
者或欲速愈兒竒多加牛黃珍珠更多尤妙瘡後疳
非此不靈餘症加之無不神驗此口疳之妙藥也

五寶昇丹藥

白礬一兩

膽礬一兩

磁石一兩

辰砂一兩

雄

黃一兩

水銀一兩

右共和勻研至無星爲度入陽

城罐內照常法昇之收貯用

喉內結毒吹藥

牛黃一錢

冰片五分

製過人中白一兩

五寶昇丹八分

共爲極細末吹入喉中

奪命丹 與前八寶丹同功

梅礬

硼砂

膽礬

黃連

薄荷

冰片

右共爲末吹之

冰黃散 通用方

冰片錢一

青黛分五

蒲黃錢一

黃柏錢一

川連分五

甘草分五

朴硝分五

枯礬許少

礪砂分五

薄荷分五

人中白錢一

右爲末內吹外敷俱妙亦治丹毒

十寶丹

薄荷兩二

甘草錢五

兒茶兩一

香芷兩一

血竭錢三

珍

珠錢三

琥珀錢三

冰片錢四

雪丹兩一

滴乳石錢四

共爲末冰片另加其雪丹出涎甚捷前禁方俱可加

亦可單用此亦秘法一云無香芷加牛黃一錢輕症
不必加如口喉不碎去珍珠琥珀

沈慕溪常用方

一治牙齦七日可愈

一治重舌七日愈

一治舌根癰五日愈

一治喉菌半月愈

一治喉蛾三四日愈

青黛

蒲黃

薄荷葉

鹿角尖

雞內金

香芷

冰片

甘草

掛金燈子

已上共末吹之 如消腫用金玉二丹

如碎用碧丹世傳青藥黃藥白藥是也

奪命仙丹 治纏喉牙關緊閉

明礬

潔淨者二二三兩

人乳 一飯碗

右二味入銅杓內用桴炭

不可用生炭

火任其煎成不可

用扇煽火亦不可動藥須至紫霞色極鬆者爲佳若
黑色者不用凡遇纏喉牙關緊閉者蜜調少許匙挑
牙縫間苟有流至喉間者口卽開痰自化下及一切
口中難愈之症配入八寶丹內用煎時忌婦人雞犬
見 煉此藥宜多備風爐三四枚預生火候用如所
用爐內火將滅卽移杓于別一爐上乘盛火勢也

治咽喉十八症痰涎壅塞

陳大麥揀淨炒至黃色放地上去火氣再炒再退火氣
如法宜炒至黑色爲細末備用凡遇喉症痰壅欲死
者配入碧丹吹至喉間痰自流出

附方

驅風散 治咽喉腫痛及纏喉風雙單乳蛾鎖喉

飛絲入喉重舌木舌風痰上壅緊急喉風並效

鴨嘴膽礬

錢一

碧雪

錢一

硼砂

錢一

魚黃

錢一

印青魚膽枯礬拌收

蟬肚鬱金

錢一

雄黃

五分

殭蠶

錢一

明丹

錢一

印月取

公猪酥
藥并收

右爲末先將水漱口乾淨然後吹之

清咽散 治咽喉一切熱毒等症

青黛五分

兒茶三分

冰片五分

膽礬二分

薄荷葉五分

月石一分

元明粉一分

燈草灰五厘

爲末吹之

碧雲丹 治一切積熱口舌生瘡心煩喉閉

芒硝 朴硝 馬牙硝 滑石 石羔煨 青黛

先將生甘草煎湯入諸藥再煎用柳木棍不住手攪
令消鎔化入青黛和勻傾入砂盆內候冷凝結成霜
研爲末每用少許含化津咽不能咽者以管吹之

保生丹 治時氣痰涎壅盛纏喉風牙關緊急咽

喉腫脹水穀不通或痰迷不省人事

梅琴一錢 雄黃一錢 藜蘆去皮心一錢 牙皂去皮炒黃一錢

黃丹少許 右共為末入磁瓶塞口臨用蘆管吹鼻孔

中一方有全蝎梢一錢五分

紫雪

青礬版 冰片 麝香 月石 元明粉

冰連麝 專治喉痛口內或生肉球

真麝香二錢 冰片三分 川連末一錢

五色神功散 專治牙宣牙漏穿腮等症

冰片三分

麝香二分

大紅絨灰一錢

川連末一錢五分

硼

砂錢一

珍珠錢一

鹿角尖灰錢一

五倍子三分

牛黃錢一

雄黃五分

人中白錢一

元明粉錢一

靛花錢一

柏

末錢一

雞內金錢一

百草霜五分

喉症書亦多矣惟錫山尤氏所著不蔓不支不偏不

漏其議論渾括包舉其治法縷晰條分惜未有梓而

廣其傳者余於無意中獲此抄本抑何幸也乾隆己

酉仲春琴川山爽閣主人吳炳篆識

喉主天氣通于肺爲呼吸之門咽主地氣通于脾爲
飲食之戶險地也而危病求治可不急急乎治當治
火而火分虛實實則疏之清之下之虛則理之滋之
導之總貴醫者之隨時用法耳尤氏爲喉科專家多
秘方施之虛實無不宜世寶其書余先人曾以青蚨
二萬易得之曾若雲張君購刊因舉舊本校勘一過
而實之並識數語于卷末云嘉慶十三年歲次戊辰
孟春靜巖陳耕道識于思誠廬

喉科秘本

終

嘉慶戊辰夏六月
昭文張海鵬校梓

喉科附方

常熟 吳氏 輯

冰片散 治一切口疳

冰片

錢一

硼砂

錢五

雄黃

錢二

鈔

張三

鹿角霜

兩一

枯礬

錢一

靛花

錢二

粉草末

錢一

元明粉

錢二

雞內金

錢一

蜜炙側柏

錢二

如口中氣臭加入中白三錢銅

青少許共爲末收貯聽用

珍珠散 專治骨槽風一名穿珠一名附骨一名

穿喉一名穿腮一名牙槽風

喉科

附方

珍珠

錢一

桔蓉

錢二

真麝香

分二

大紅絨灰

錢一

冰片

五分

銅青

錢一

孩兒茶

錢一

人中白

錢一

龍花

錢一

川連

錢一

細芽茶

錢一

雞內金

錢一

驅風破毒

治症同前

明礬

巴霜

草烏尖

牙皂

薄荷

紅內硝

清肝流氣飲

治疔腮

枳殼

桔梗

前胡

羌活

甘草

石羔

防風

荊芥

薄荷

河水煎服之

疎風桔梗湯

歸尾 枳殼 黃芩 桔梗 山梔 荊芥 元參

防風 甘草 連翹 花粉 廣皮 粉葛 水煎服

蘇子降氣湯

蘇子 半夏 桔梗 前胡 廣皮 厚朴 甘草

防風 枳殼 黃芩 河水煎服

八正順氣散 治喉腫及喉閉

厚朴 砂仁 半夏 廣皮 茯苓 青皮 桔梗

枳殼 木香 元參 牛蒡 山梔仁 水煎服

防風通聖散 治口緊

防風 大黃 朴硝 川芎 甘草 當歸 茯苓

石羔 薄荷 消石 山梔 麻黃 荆芥 桔梗

連翹 芍藥

清火降氣湯 治雙單蛾

前胡 蘇子 厚朴 甘草 麝皮 半夏 花粉

元參 桔梗 羌活 河水煎服之

爛牙癰神方

胆礬研碎白蘿蔔同拌搗乾爲末每錢加麝香二分和

勻吹之

降藥方

汞

一兩

鹽

一兩

白礬

一兩

火硝

一兩

皂礬

一兩

同研如法降之

一點金

降君硃臣礬巴佐

蟾酥爲使同研和

煉蜜爲丸粟米大

癰疽發背點成破

降藥

三錢

硃砂

一錢五分

礬砂

一錢

巴豆

一錢

蟾酥

一錢

同研勻磁瓶收貯

治喉刺喉癰方

川貝母

錢一

百草霜

分一

燈草灰

分一

冰片

分半

柿

霜八分

玉露霜

錢一

爲末蜜湯調服一錢

治牙宣

馬蘭頭

搗汁嗽之

橄欖灰

冰片

青黛

吹之效

偏正頭風方

此方能治半邊頭痛左痛瞎左目

右痛瞎右目雖痛至日夜號哭淚汁牽流目不識人

者並效

乳香

三錢去油

沒藥

三錢去油

白芥子

三錢炒研

北細辛

三錢酒炒

白芷

三錢土炒

麝香

四分另用

共研末將冬煮酒糟和藥作餅三箇如茶鍾大次將麝香四分勻三箇藥餅上面以指捺人餅放鍋中稻柴把上隔水蒸熟以扎太陽穴上蒸進熱氣冷卽換再蒸每餅一箇約換十次風寒隨藥而出眼目卽明頭痛立止屢試屢驗真良方也

先指蘸燒酒麝香摩太陽穴然後用餅蒸之方爲合法若頭風痛雙眼將瞎只用丁香五十粒麝香一錢攪和陳煮酒糟內分作三箇餅以丁香嵌餅一面如前方蒸屢更妙驗過

余前患喉症甚險用計醫藥咽下卽瘥勢如銳師
陷陣震霆蕩穢不知其何方也今春黃君琴六吳
君心葵勸余刊尤氏喉科書曰此卷二十年前祕
不得傳惟季醫曾獲其一鱗半甲因假別本于陳
君繼先蓋知其尊人石泉先生曾以二萬錢抄
易者也顧字句已多後人增改再考沈氏尊生書
所錄又非全本決擇頗難幸沅楚吳君以珍本相
贈遂得據以付梓後有附錄一卷係吳氏所輯經
驗良方非尤氏著以其相類并附刻之張海鵬識